

人念言是爲不與我般若波羅蜜相即時捨

離不得學習書讀誦說如是不和合菩薩當

知亦爲魔事復次湏菩提惡魔勤作方便欲

令無人讀誦修習般若波羅蜜湏菩提白佛

言世尊惡魔云何勤作方便令人不得讀誦
修習般若波羅蜜湏菩提惡魔詭詐諸人作

是言此非真般若波羅蜜我所有經是真般
若波羅蜜湏菩提惡魔如是詭詐衆人未受
記者當於般若波羅蜜中生疑惑因緣故不
得讀誦修習般若波羅蜜如是湏菩提菩薩
當知亦爲魔事復次湏菩提有魔事若菩薩
行深般若波羅蜜即證實際取聲聞果如是

湏菩提菩薩當知亦爲魔事

小品般若波羅蜜經卷第四

潛四

奪反活壇界上音懷僊下亦作伺寺反

小品般若波羅蜜經卷第五

潛五

姚秦三藏鳩摩羅什譯

小品般若波羅蜜經小如品第十二

佛告湏菩提般若波羅蜜多有如是諸留難
事湏菩提白佛言如是如是世尊般若波羅
蜜多有留難辟如世間大珍寶多有怨賊般

葉元丁

若波羅蜜亦如是若人不受持讀誦修習般
若波羅蜜當知是人新發道意少智少信不
受持讀誦修習般若波羅蜜當知是人新發
道意少智少信不樂大法爲魔所攝湏菩提
般若波羅蜜雖多有如是魔事及諸留難若
善男子善女人有能受持書讀誦說當知是
等皆是佛力何以故惡魔雖復勤作方便欲
滅般若波羅蜜諸佛亦復勤作方便而守護
之湏菩提辭如母人多有諸子若十若百乃
至十万其母有疾諸子各各勤求救療皆作
是願我等云何令母久壽身體安隱無諸苦

後庵溪張荊院名春捨田一方開小品般若經一部十卷

患風雨寒熱蚊虫毒蛇當以諸藥因緣令母安隱何以故生育我等賜與壽命示悟世間其恩甚重湏菩提今十方現在諸佛常念般若波羅蜜皆作是言般若波羅蜜能生諸佛能示薩婆若何以故諸佛薩婆若皆從般若波羅蜜生故湏菩提諸佛得阿耨多羅三藐

三菩提已若今得若當得皆因般若波羅蜜湏菩提般若波羅蜜如是示十方諸佛薩婆若亦示世間湏菩提白佛言世尊如佛所說般若波羅蜜示諸佛世間世尊云何爲世間佛言五陰是世間世尊云何般若波羅蜜示五陰佛言般若波羅蜜示五陰不壞相何以故湏菩提空是不壞相無相無作是不壞相般若波羅蜜如是示世間復次湏菩提佛隨無量無邊衆生性故如實知其心如是湏菩提般若波羅蜜示諸佛世間復次湏菩提衆生亂心攝心是亂心攝心佛如實知湏菩提云何如來知諸衆生亂心攝心以法相故知

湏菩提以法相故知心非亂如是知亂心云何如來知攝心湏菩提如來知心盡相如實知盡相如是知攝心復次湏菩提衆生染心如來如實知染心恚心癡心如實知恚心癡心云何如來如實知染心如實知恚心如實知恚心湏菩提染心如實相即非染心恚心二
知癡心湏菩提染心如實相即非染心恚心元

卷

小品五

二

癡心如實相即非恚心癡心如是湏菩提諸佛從般若波羅蜜生薩婆若智云何如來離染心如實知離染心離恚心如實知離恚心離癡心如實知離癡心湏菩提離染心中無離染心相離恚心中無離癡心相離恚心中無離癡心相如是湏菩提般若波羅蜜示諸佛世間復次湏菩提如來因般若波羅蜜衆生廣心如實知廣心云何如來衆生廣心如實知廣心湏菩提是衆生心不增不廣不離離相故如是湏菩提如來因般若波羅蜜衆生廣心如實知廣心復次湏菩提如來因般若波羅蜜衆生大心如實知大心云何如來

衆生大心如實知大心湏菩提如來知是心無來無去無住如是湏菩提如來因般若波羅蜜衆生大心如實知大心復次湏菩提如來因般若波羅蜜衆生無量心如實知無量心云何如來衆生無量心如實知無量心湏菩提如來知是心不住住於寂滅無所依止

如虛空無量知心相亦余如是湏菩提如來因般若波羅蜜衆生無量心如實知無量心復次湏菩提如來因般若波羅蜜衆生不可見心如實知不可見心云何如來衆生不可見心如實知不可見心如來以無相義故如實知不可見心如是湏菩提如來因般若波羅蜜衆生不可見心如實知不可見心復次湏菩提如來因般若波羅蜜知衆生諸

者
小苦手

三
元

羅蜜衆生不可見心如實知不可見心復次湏菩提如來因般若波羅蜜衆生不現心如實知不現心云何如來衆生不現心如實知不現心是心五眼所不見如是湏菩提如來因般若波羅蜜衆生不現心如實知不現心復次湏菩提如來因般若波羅蜜知衆生諸

出沒云何知衆生諸出沒衆生所起出沒皆依色生依受想行識生何等是諸出沒所謂我及世間常是見依色依受想行識我及世間無常常無常非常非無常是見依色依受想行識世間有邊世間無邊有邊無邊非有邊非無邊是見依色依受想行識死後如去死後不如去死後如去不如去死後非如去非不如去是見依色依受想行識身即是神是見依色依受想行識身異神異是見依色依受想行識如是湏菩提如來因般若波羅蜜知衆生諸出沒復次湏菩提如來因般若波羅蜜知色相云何知色相知如如湏菩提如來知受想行識相云何知識相知如如湏菩提五陰如即是如來所說出沒如五陰如即是世間如五陰如即是一切法如一切法如即是湏施洹果如斯施含果阿那含果阿那漢界辟支佛道如辟支佛道如即是如來如是諸如皆是一如無二無別無盡無量如

是湏菩提如來因般若波羅蜜得是如相如
是湏菩提般若波羅蜜示諸佛世間能生諸
佛諸佛知世間如如實得是如故名為如來
湏菩提白佛言世尊是如甚深諸佛阿彌多
羅三藐三菩提皆從如生世尊如來得是深
法能為衆生說是如相如是如相誰能信者

唯有阿毗跋致菩薩及具足見者滿願阿羅
漢乃能信之湏菩提是如無盡佛如實說無盡

小品般若波羅蜜經相無相品第十三

余時釋提桓因及欲界萬天子梵世二萬天
子俱詣佛所頭面禮佛足却住一面白佛言

世尊是法甚深於此法中云何作相佛告諸

問小五元

天子諸法以空為相以無相無作無起無生
無滅無依為相諸天子言如來說是諸相如
空無所依如是諸相一切世間天人阿修羅即
所不能壞何以故一切世間天人阿修羅即
是其相故世尊是諸相非可作是諸相不在
色數不在受想行識數是諸相非人非非人

所作佛告欲色界諸天子若人問言虛空誰
之所作是人為正問不不也世尊虛空無有
作者何以故虛空無為故諸天子此諸相亦
如是有佛無佛常住不異諸相常住故如來
得是諸相已名為如來諸天子言如來所說
諸相甚深諸佛智慧無礙故能示是如亦能
說般若波羅蜜行相世尊般若波羅蜜是諸
佛行處亦如是示諸佛世間復次湏菩提諸
佛依止於法供養恭敬尊重讚歎於法所謂
法者則是般若波羅蜜諸佛供養恭敬尊重
讚歎般若波羅蜜何以故般若波羅蜜出生
諸佛故湏菩提如來知恩知報恩者若人正
問何等是知恩知報恩者當答佛是知恩知
報恩者湏菩提云何佛是知恩知報恩者如
求所行道所行法得阿彌多羅三藐三菩提
即護念是道是法以是事故當知佛是知恩
知報恩者復次湏菩提如來知一切法無作
亦是如來知作恩者湏菩提如來因般若波

問小五元

羅蜜知一切法無作相得如是智慧以是因緣故般若波羅蜜亦如是示諸佛世間湏菩提若一切法無知者無見者云何般若波羅蜜示諸佛世間湏菩提如是如是一切法無知者無見者湏菩提云何一切法無知者一切法空故云何一切法無見者一切法無所依故是故一切法無知者無見者湏菩提如來因般若波羅蜜得如是法是故般若波羅蜜亦如是示諸佛世間不見色故示世間不見受想行識故示世間般若波羅蜜如是示諸佛世間世尊云何名不見色故示世間云何色生色是名不見色若不緣受想行識生識是名不見識若如是不見世間是名真見世間復次湏菩提世間空般若波羅蜜如實示世間空世間離相般若波羅蜜如實示世間離相世間淨般若波羅蜜如實示世間淨世間寂滅般若波羅蜜如實示世間寂滅湏菩

提般若波羅蜜亦如是示諸佛世間湏菩提白佛言世尊般若波羅蜜爲大事故出般若波羅蜜爲不可思議事不可稱事不可量事無等等事故出佛言如是如是湏菩提般若波羅蜜爲大事故出爲不可思議事不可稱事不可量事無等等事故出湏菩提云何般若波羅蜜爲大事故出爲不可思議事不可稱事不可量事無等等事故出湏菩提如來法佛法自然法一切智人法廣大不可思議不可籌量是故湏菩提般若波羅蜜爲大事不可思議事故出云何般若波羅蜜爲不可稱事不可量事故出湏菩提如來法佛法自然法一切智人法不可稱不可量是故湏菩提般若波羅蜜爲不可稱事不可量事故出云何般若波羅蜜爲無等等事故出湏菩提一切無與如來等者何況有勝是故湏菩提般若波羅蜜爲無等等事故出世尊但如來法佛法自然法一切智人法不可思議不可

稱不可量色亦不可思議不可稱不可量受想行識亦不可思議不可稱不可量湏菩提色亦不可思議不可稱不可量受想行識亦不可思議不可稱不可量一切法亦不可思議不可稱不可量何以故湏菩提諸法實相中無心無心數法湏菩提色不可稱受想行

識亦不可稱一切法亦不可稱此中無有分別故湏菩提色不可量受想行識亦不可量一切法亦不可量湏菩提何以故色不可量受想行識不可量一切法不可量湏菩提色量無所有不可得受想行識量無所有不可得一切法量無所有不可得湏菩提何以故色量無所有不可得受想行識量無所有不可得一切法量無所有不可得受想行識量無所有不可得一切法量無所有不可得湏菩提色無可得一切法量無所有不可得湏菩提色無所有故受想行識無所有故一切法無所有故量不可得湏菩提於意云何虛空有心心數法不不也世尊湏菩提以是因緣一切法不可思議滅諸等量故名不可思議滅諸稱

故名不可稱湏菩提稱者即是識業湏菩提無量者過諸量故湏菩提如虛空不可思議不可稱不可量諸如來法佛法自然法一切智人法亦如是不可思議不可稱不可量說是不可思議無等法時五百比丘二十比丘尼不受一切法故漏盡心得解脫六萬優婆塞三萬優婆夷於諸法中得法眼淨二十一菩薩得無生法忍於此賢劫皆當成佛尔時湏菩提白佛言世尊是深般若波羅蜜爲大事故出乃至爲無等等事故出佛言如是如是湏菩提是深般若波羅蜜爲大事故出乃至爲無等等事故出諸佛薩婆若皆在般若

波羅蜜中一切聲聞辟支佛地皆在般若波羅蜜中湏菩提辭如灌頂刹帝利王若諸城事諸聚落事皆付大臣王無所憂如是湏菩提諸如來亦如是所有聲聞事辟支佛事佛事皆在般若波羅蜜中般若波羅蜜能成辦其事是故湏菩提當知般若波羅蜜爲大事

故出乃至爲無等等事故出湏菩提般若波羅蜜不受不著色故出不受不著受想行識故出不受不著湏陁洹果斯陁含果阿那含果阿羅漢果辟支佛道故出乃至薩婆若亦不受不著故出湏菩提白佛言世尊云何般若波羅蜜不受薩婆若不著薩婆若湏菩提於意云何汝見阿羅漢法可受可著不不也世尊我不見是法可生著者佛言善哉善哉湏菩提我亦不見如來法以不見故不受不著是故湏菩提薩婆若不可受不可著尔時欲色界諸天子白佛言世尊是深般若波羅蜜難解難知若能信解深般若波羅蜜者當知是人已於先世供養諸佛世尊若三千大千世界衆生皆作信行於信行地中修行若一劫若滅一劫若人一日行深般若波羅蜜壽量思惟觀忍通利是福爲勝佛告諸天子若善男子善女人聞是深般若波羅蜜疾得涅槃是人於信行地中修行若一劫若滅一

劫所不能及尔時欲色界諸天子頭面禮佛足遶佛而出去此不遠忽然不現欲界諸天子還至欲天色界諸天子還至色天尔時湏菩提白佛言世尊若菩薩能信解深般若波羅蜜是人於何命終來生此間佛告湏菩提若菩薩聞是深般若波羅蜜即時信解不疑若菩薩聞是深般若波羅蜜即時信解不疑
小若五

不悔不難樂見樂聞常行是念不離說般若波羅蜜者湏菩提辭如新產犢子不離其母菩薩亦如是聞深般若波羅蜜不離說法者乃至得讀誦書寫般若波羅蜜湏菩提當知是菩薩人中命終還生人中世尊頗有菩薩成就如是功德因緣於他方世界供養諸佛於彼命終來生此間不湏菩提有菩薩成就如是功德於他方世界供養諸佛於彼命終來生此間復次湏菩提有菩薩成就如是功德於燒率天上聞弥勒菩薩說般若波羅蜜問其中事於彼命終來生此間復次湏菩提若人先世聞是深般若波羅蜜不問其義是

人若生人中心續疑悔難沒湏菩提當知是人於前世不問所致何以故於是般若波羅蜜中心疑悔難沒故復次湏菩提若人先出若一日若二日三日四日五日聞是深般若波羅蜜問其中事而不隨所說行是人轉身續得聞深般若波羅蜜問其中事信心無礙

若離法師不復問難還爲因緣所牽失深般若波羅蜜何以故湏菩提應尔若人雖能問難是深般若波羅蜜不能隨所說行或時樂聞深般若波羅蜜或時不樂其心輕躁如少毘堯當知是菩薩新發大乘是菩薩信心不清淨若不爲般若波羅蜜所護於二地中塔小六九元

當墮一處若聲聞地若碎支佛地

小品般若波羅蜜經船喻品第十四

於時佛告湏菩提辭如大海中船卒破其中人若不取木若板若浮囊若死屍當知是人不到彼岸沒水而死湏菩提其中人若取木板浮囊死屍當知是人不沒水死安隱無惱

得至彼岸湏菩提菩薩亦如是於阿耨多羅三藐三菩提有信有忍有樂有淨心有深心有欲有解有捨有精進不取般若波羅蜜當知是人中道退沒墮聲聞辟支佛地湏菩提若菩薩於阿耨多羅三藐三菩提有信有忍有樂有淨心有深心有欲有解有捨有精進

取般若波羅蜜爲般若波羅蜜所守護故中道不退過聲聞辟支佛地當住阿耨多羅三藐三菩提湏菩提辭如有人持坏瓶詣河井池泉取水當知是瓶爛壞不久還歸於地何以故瓶未熟故湏菩提菩薩亦如是於阿耨多羅三藐三菩提有信有忍有樂有淨心有深心有欲有解有捨有精進不爲般若波羅蜜方便所護故當知是人未得薩婆若中道退轉湏菩提云何爲菩薩中道退轉所謂若墮聲聞地若墮碎支佛地湏菩提辭如有人持熟瓶於河井池泉取水當知是瓶堅固不壞持水而歸何以故是瓶熟故湏菩提菩薩

亦如是於阿耨多羅三藐三菩提有信有忍
有樂有淨心有深心有欲有解有捨有精進
爲般若波羅蜜方便所護故當知是菩薩不
中道退轉安隱得到薩婆若須菩提辭如大
海中船未被莊治推著水邊載諸財物當知
是船中道漏沒散失財物以是賈客無方便
故多失財物自致憂惱須菩提菩薩亦如是
於阿耨多羅三藐三菩提有信乃至有精進
不爲般若波羅蜜方便所護故未到薩婆若
中道而退失於大寶而自憂惱失大珍寶中
道沒者墮聲聞辟支佛地失大珍寶者失薩
婆若寶須菩提辭如大海邊船莊治堅牢推
諸
小六五

著水中載諸財物當知是船不中道沒隨所
至處必能得到須菩提菩薩亦如是於阿耨
多羅三藐三菩提有信乃至有精進爲般若
波羅蜜方便所護故當知是菩薩不中道退
轉於阿耨多羅三藐三菩提何以故須菩提
法應尔若菩薩於阿耨多羅三藐三菩提有

信乃至有精進爲般若波羅蜜方便所護故
不墮聲聞辟支佛地但以是諸功德向阿耨
多羅三藐三菩提須菩提辭如老人年百二
十而有雜病風寒冷熱須菩提於意云何是
人能從牀起不不也出尊須菩提是人或時
能起世尊假令能起不能遠行若十里二十
里何以故是人已爲老病所侵雖復能起不
能遠行須菩提菩薩亦如是雖發阿耨多羅
三藐三菩提心乃至有精進於阿耨多羅三
藐三菩提有信乃至有精進不爲般若波羅
蜜方便所護故未得薩婆若中道退轉墮聲
聞辟支佛地須菩提是百二十歲老人若有
風寒冷熱之病欲從牀起有二健人各扶一
腋安慰之言隨意所至我等好相扶持勿懼
中道有所墜落須菩提菩薩亦如是於阿耨
多羅三藐三菩提有信乃至有精進爲般若
波羅蜜方便所護故當知是菩薩不中道退
轉能至阿耨多羅三藐三菩提

卷
小六五

士

小品般若波羅密經大如意第十五

尔時湏苦提白佛言出尊新發意菩薩云何
應學般若波羅蜜佛告湏苦提新發意菩薩
若欲學般若波羅蜜先當親近善知識能說
般若波羅蜜者是人如是教善男子來汝所
有布施皆應迴向阿耨多羅三藐三菩提汝

善男子亦莫貪著阿耨多羅三藐三菩提若色是若受想行識是何以故是薩婆若非可著者善男子汝所有持戒忍辱精進禪定智慧皆應廻向阿耨多羅三藐三菩提勿生貪著若色是若受想行識是何以故善男子是產婆若非可著者汝善男子亦勿貪著聲聞辟支佛道湏苦提如是新發意善薩應漸教令入深般若波羅蜜世尊諸菩薩發阿耨多羅三藐三菩提心欲得阿耨多羅三藐三菩提所為甚難如是如是湏苦提如諸菩薩發提所為甚難如是如是湏苦提如諸菩薩發阿耨多羅三藐三菩提心欲得阿耨多羅三藐三菩提所為甚難是人為安隱世間故發

心爲安樂世間故發心我當得阿耨多羅三藐三菩提爲世間作究竟道爲世間作歸爲世間作舍爲世間作研究竟道爲世間作洲爲世間作導師爲世間作趣湏菩提云何菩薩得阿耨多羅三藐三菩提時爲世間作救菩薩爲斷生死中諸苦惱故說法救衆生於苦惱湏菩提是名菩薩得阿耨多羅三藐三菩提時爲世間作救云何菩薩得阿耨多羅三藐三菩提時爲世間作歸衆生法老病死苦惱法是菩薩能度衆生於此生法老病死法憂悲苦惱法湏菩提是名菩薩得阿耨多羅三藐三菩提時爲世間作歸云何菩薩得阿耨多羅三藐三菩提時爲世間作舍湏菩提提菩薩得阿耨多羅三藐三菩提時爲不著故說法世尊云何名不著湏菩提若色不縛不解不生不滅是名色不著若受想行識不縛不解不生不滅是名識不著如是湏菩提一切法不縛不解故不著菩薩得阿耨多羅

三藐三菩提時能爲衆生說如是法是名菩薩爲世間作舍云何菩薩得阿耨多羅三藐三菩提時爲世間作究竟道湏菩提色究竟不名色受想行識究竟不名識如究竟相一切法亦如是世尊若究竟相一切法亦尔者菩薩皆應得阿耨多羅三藐三菩提何以故

是中無有分別故如是如是湏菩提是中無有分別諸菩薩如是觀如是知其心不沒作是念我得阿耨多羅三藐三菩提應爲衆生說如是法湏菩提是名菩薩得阿耨多羅三藐三菩提時爲世間作究竟道云何菩薩得阿耨多羅三藐三菩提時爲世間作洲辟如水中陸地斷流之處名之爲洲如是湏菩提前際後際斷受想行識前際後際斷以前際後際斷故一切法都斷若一切法都斷是名寂滅微妙如實不顛倒涅槃湏菩提是名菩薩得阿耨多羅三藐三菩提時爲世間作洲云何菩薩得阿耨多羅三藐三菩提時

爲世間作導師湏菩提菩薩得阿耨多羅三藐三菩提時不爲色生滅故說法但爲實相故說法不爲受想行識生滅故說法但爲實相故說法不爲湏陁洹果斯陁含果阿那含果阿羅漢果辟支佛道薩婆若生滅故說法但爲實相故說法湏菩提是名菩薩得阿耨多羅三藐三菩提時爲世間作導師云何菩薩得阿耨多羅三藐三菩提時爲世間作趣湏菩提菩薩得阿耨多羅三藐三菩提時爲衆生說色趣空說受想行識趣空一切法皆趣空不來不去何以故色空不來不去受想行識空不來不去乃至一切法空不來不去

故一切法趣空不過是趣一切法趣無相趣無作趣無起趣無生趣無所有趣夢趣無量趣無邊趣無我趣寂滅趣涅槃趣不還趣不趣一切法不過是趣世尊如是法者誰能信解湏菩提若菩薩於先佛所久修道行成就善根乃能信解世尊能信解者有何等相湏

菩提離滅欲恚癡性是信解相如是人能知深般若波羅蜜出尊是菩薩能解深般若波羅蜜亦如是趣得是趣相能爲無量衆生作趣如是如是湏菩提是菩薩如是趣能爲無量衆生作趣湏菩提是名菩薩得阿耨多羅三藐三菩提時能爲無量衆生作趣出尊是

菩薩所爲甚難能作如是大莊嚴爲滅度無量無邊衆生而衆生不可得如是如是湏菩提菩薩所爲甚難爲滅度無量無邊衆生故發大莊嚴而衆生不可得湏菩提是爲菩薩大莊嚴不爲色不爲受想行識不爲聲聞辟支佛地不爲薩婆若故發大莊嚴不爲莊嚴一切法故是菩薩發大莊嚴出尊菩薩能如是行深般若波羅蜜則不墮二地若聲聞地辟支佛地湏菩提汝見何義說如是事若菩薩如是行深般若波羅蜜則不墮二地若聲聞辟支佛地卅尊是般若波羅蜜甚深此中無修法無所修無修者何以故出尊是深般

若波羅蜜中無決定法修虛空是修般若波羅蜜出尊不修一切法是修般若波羅蜜修無邊是修般若波羅蜜修無著是修般若波羅蜜湏菩提應以深般若波羅蜜試阿惟越致菩薩若不貪著般若波羅蜜不隨他言論有所慾望若聞說深般若波羅蜜時不驚不怖不沒不退其心喜樂當知是阿惟越致菩薩先出已曾聞深般若波羅蜜何以故聞說深般若波羅蜜不驚不怖不沒不退當知是阿惟越致菩薩世尊若菩薩聞說深般若波羅蜜不驚不怖不沒不退應云何觀湏菩提是菩薩應隨薩婆若心觀般若波羅蜜出尊

云何名爲隨薩婆若心觀湏菩提隨虛空觀名爲隨薩婆若心觀般若波羅蜜湏菩提隨薩婆若心觀即非觀何以故無量是薩婆若無量即無色無受想行識無智無慧無道無得無果無生無滅無作無作者無方無趣無住無量即墮無量數湏菩提如虛空無量菩薩

婆若亦無量無法可得亦無得者不可以色
得不可以受想行識得不可以檀波羅蜜得
不可以尸波羅蜜得尋提波羅蜜毗黎耶波
羅蜜禪那波羅蜜般若波羅蜜得何以故色
即是薩婆若受想行識即是薩婆若檀波羅
蜜即是薩婆若尸波羅蜜尋提波羅蜜毗

黎耶波羅蜜禪波羅蜜般若波羅蜜即是薩
婆若少時欲色界諸天子白佛言世尊般若
波羅蜜甚深難解難知佛言如是如是諸天
子般若波羅蜜甚深難解難知以是義故我
欲嘿然而不說法作是念我所得法是法中
無有得者無法可得無所用法可得諸法相

十二五

十一

元

如是甚深如虛空甚深故是法甚深我甚深
故一切法甚深不來不去甚深故一切法甚深
欲色界諸天子白佛言希有世尊是所說法
一切世間難可得信世間行貪著是法爲無
貪著故說少時湏菩提白佛言世尊是法隨
順一切法何以故世尊是法無障礙處無障

礙相如虛空世尊是法無生一切法不可得
故世尊是法無處一切處不可得故少時欲
色界諸天子白佛言世尊是長老湏菩提爲
隨佛生有所說法皆爲空故湏菩提語欲色
界諸天子言汝等所說長老湏菩提爲隨佛
生隨何法生故名隨佛生諸天子隨行故
湏菩提隨如來生如如來如不來不去湏菩
提隨如從本已來亦不來不去是故湏菩提
隨如來生又如來如即是一切法如一切法
如即是如來如如來如者即非如是故湏菩
提隨如來生如如來如一切處一切處常不
壞不分別湏菩提如亦如是於一切處不壞
不別是故湏菩提隨如來生如如來如非住
非不住湏菩提如亦如是是故湏菩提隨如
來生如來如無障礙處一切法如亦無障礙處
是故湏菩提隨如來生又如來如一切法如
皆是一如無二無別是如無作無非如者若
是如無非如者是故是如無二無別是故湏

礙相如虛空世尊是法無生一切法不可得
故世尊是法無處一切處不可得故少時欲
色界諸天子白佛言世尊是長老湏菩提爲
隨佛生有所說法皆爲空故湏菩提語欲色
界諸天子言汝等所說長老湏菩提爲隨佛
生隨何法生故名隨佛生諸天子隨行故
湏菩提隨如來生如如來如不來不去湏菩
提隨如從本已來亦不來不去是故湏菩提
隨如來生又如來如即是一切法如一切法
如即是如來如如來如者即非如是故湏菩
提隨如來生如如來如一切處一切處常不
壞不分別湏菩提如亦如是於一切處不壞
不別是故湏菩提隨如來生如如來如非住
非不住湏菩提如亦如是是故湏菩提隨如
來生如來如無障礙處一切法如亦無障礙處
是故湏菩提隨如來生又如來如一切法如
皆是一如無二無別是如無作無非如者若
是如無非如者是故是如無二無別是故湏

菩提隨如來生又如來如一切處不壞不別
一切法如亦不壞不別如是如來如不可分
別故無壞無別是故湏菩提隨如來生如如
來如不離諸法如是如不異諸法是如無非
如時常是如如是如是湏菩提如不異是如
故如是實隨如行亦無所行是故湏菩提隨

如來生如如來如非過去非未來非現在一
切法如亦如是非過去非未來非現在是故
湏菩提隨如行生故名爲隨如來生又如來即
是如來如如來如即是過去如過去如即是
如來如如來如即是未來如未來如即是如
來如如來如即是現在如現在如即是如來
音小二五

說是如三千比丘不受諸法故漏盡心得解
脫舍利弗五百比丘尼於諸法中遠離垢得
法眼淨五千天人得無生法忍六千菩薩不
受諸法漏盡心得解脫舍利弗是六千菩薩不
已曾供養親近五百諸佛於諸佛所布施持
戒忍辱精進禪定不爲般若波羅蜜方便所
護故今不受諸法漏盡心得解脫舍利弗菩
薩雖行空無相無作道不爲般若波羅蜜方
便所護故證於實際作聲聞乘舍利弗辟如
有鳥身長百由旬二三四五百由旬翅未成
就欲從忉利天上来至闍浮提便自投下舍
利弗於意云何是鳥中道作是念我欲還忉
音小二五

六種震動以是如故湏菩提隨如來生又湏
菩提不隨色生不隨受想行識生不隨湏陀
洹果生不隨斯陀含果生不隨阿那含果生
不隨阿羅漢果生不隨辟支佛道生是故湏
菩提隨如來生尔時舍利弗白佛言世尊是
如甚深佛言如是如是舍利弗是如甚深今

利天上寧得還不不也世尊舍利弗是鳥復作是願至闇浮提身不傷損得如願不不也世尊是鳥至闇浮提身必傷損若死若近死苦何以故世尊法應爾其身既大翅未成就故舍利弗菩薩亦如是雖於恒河沙劫布施持戒忍辱精進禪定發大心大願受無量事欲得阿耨多羅三藐三菩提而不爲般若波羅蜜方便所護故則墮聲聞辟支佛地舍利弗菩薩雖念於過去未來現在諸佛所行戒品定品慧品解脫品解脫知見品而心取相是菩薩取相念故不知諸佛戒品定品慧品解脫品解脫知見品不知不見故聞諸法空名字取是音聲相廻向阿耨多羅三藐三菩提當知是菩薩墮於聲聞辟支佛地何以故舍利弗菩薩離般若波羅蜜故法應當尔世尊如我解佛所說義若菩薩離般若波羅蜜則於阿耨多羅三藐三菩提狐疑未了是故菩薩摩訶薩欲得阿耨多羅三藐三菩提當

善行般若波羅蜜方便尔時欲色界諸天子白佛言世尊般若波羅蜜甚深阿耨多羅三藐三菩提難得佛言如是如是諸天子般若波羅蜜甚深阿耨多羅三藐三菩提難得湏菩提白佛言世尊如佛所說般若波羅蜜甚深阿耨多羅三藐三菩提難得如我解佛所說義阿耨多羅三藐三菩提易得何以故無法可得諸法空中無有得阿耨多羅三藐三菩提者無法可得無所用法可得一切法皆空故諸所說法爲有所斷是法亦空世尊阿耨多羅三藐三菩提法得者所用法得知者所用法如是法皆空世尊以是因緣故阿耨多羅三藐三菩提則爲易得諸可得者皆同虛空故尔時舍利弗語湏菩提若阿耨多羅三藐三菩提易得者恒河沙等諸菩薩不應退轉以是因緣故當知阿耨多羅三藐三菩提難得舍利弗於意云何色於阿耨多羅三藐三菩提退轉不不也湏菩提舍利弗受想

行識於阿耨多羅三藐三菩提退轉不不也
湏菩提舍利弗離色有法可得於阿耨多羅
三藐三菩提退轉不不也湏菩提舍利弗離
受想行識有法可得於阿耨多羅三藐三菩提
退轉不不也湏菩提舍利弗色如於阿耨
多羅三藐三菩提退轉不不也湏菩提舍利

弗受想行識如於阿耨多羅三藐三菩提退
轉不不也湏菩提舍利弗離色如有法可得
於阿耨多羅三藐三菩提退轉不不也湏菩
提舍利弗離受想行識如有法可得於阿耨
多羅三藐三菩提退轉不不也湏菩提舍利
弗離諸法如有法可得於阿耨多羅三藐三
菩提退轉不不也湏菩提舍利弗如是實求
不可得爲何等法於阿耨多羅三藐三菩提
退轉者舍利弗言如湏菩提所說義則爲無
有菩薩退轉若爾者佛說三乘人則無差別
爾時富樓那彌多羅尼子語舍利弗應問湏
菩提汝欲令有一菩薩乘耶湏菩提言如中可
有三乘人不若聲聞辟支佛佛乘湏菩提如
中無有三相差別舍利弗如有一相不不也
湏菩提舍利弗如中乃至見有一乘人不不
也湏菩提舍利弗如是實求是法不可得汝
云何作是念是聲聞乘是辟支佛乘是佛乘

者如是三乘如中無差別若菩薩聞是事不
驚不怖不沒不退當知是菩薩則能成就菩
提尔時佛讚湏菩提言善哉善哉湏菩提汝
所樂說皆是佛力所謂如中求三乘人無有
差別若菩薩聞是事不驚不怖不沒不退當
知是菩薩能成就菩提尔時舍利弗白佛言
世尊是菩薩成就何等菩提舍利弗是菩薩
成就無上菩提舍利弗白佛言世尊若菩薩
欲成就阿耨多羅三藐三菩提應云何行佛
言於一切衆生應行等心慈心不異心謙下
心安隱心不瞋心不惱心不戲弄心父母心
兄弟心與共語言舍利弗若菩薩欲成就阿

釋多羅三藐三菩提應如是學應如是行

卷五

小品般若波羅蜜經卷第五

懶慢

上吾告反下莫晏反

嗤笑

上天之反下笑字

輕幾

下莫結反

揆度

上猶癸反下徒各反

逕

正作歷也

籌量

上直流反下文

詭詭

上詭也反下詭也反

蹉跎

上莫庚反下犧子牛音

讀輕躁到擾

下則擾也

蚊蟲

上莫庚反下犧子牛音

犧子

上犧子牛音

讀輕躁到擾

下則擾也

也

毘堯

上音牒細毛布也下坏瓶器未燒反

壞瓶

上近圓反下燒也

莊治

下音持上一本作捺直度反下正

一賈客

上音

潛五

後苑溪張判院名華捨田力開小品般若經一部十卷

小品般若波羅蜜經卷第六

姚秦三歲鳩摩什譯

潛六

小品般若波羅蜜經阿惟越致相品第十六
爾時須菩提白佛言世尊何等是阿惟越致
菩薩相貌我當云何知是阿惟越致菩薩佛
告須菩提所有凡夫地聲聞地辟支佛地如

二元

來地是諸地於如中不壞不二不別菩薩以
是如入諸法實相亦不分別是如此是如相
隨是如入諸法實相出是如已更聞餘法不
疑不悔不言是非見一切法皆入於如是菩
薩凡有所說終不說無益事言必有益不觀
他人長短須菩提以是相貌當知是阿惟越
致菩薩復次須菩提阿惟越致菩薩不觀外
道沙門婆羅門言說寶知寶見又阿惟越致
菩薩不禮事餘天不用華香供養須菩提以
是相貌當知是阿惟越致菩薩復次須菩提
阿惟越致菩薩終不墮三惡道不受女人身
須菩提以是相貌當知是阿惟越致菩薩復
次須菩提阿惟越致菩薩自不殺生亦不教
他殺生自不偷劫不邪淫不妄語不兩舌不
惡口不無益語不貪嫉不瞋惱不邪見亦不
教他令行邪見是十善道身常自行亦教他
行是菩薩乃至夢中不行十不善道乃至夢
中亦常行十善道須菩提以是相貌當知是